

† Pl. R. P. Iosephus Simonin (1883-1947)

(*Vice-Prov. de Santiago*)



Die 11 Mart. 1947, brevi post mediam noctem, mors nobis eripuit syncope cardiaca dilectum Superiorem Vice-Provinciae de Santiago Iosephum Alfridum Simonin, annis 64 vitae nondum completis.

Natus in regione Galliae Haute-Saône 4 Decembrem 1883, ad iuvenatum Uvrier a. 1895 accessit, ibique studiorum cursum feliciter absolvit. Habitum Congregationis 8 Sept. 1901 in novitiatu Gannat induit et ibidem post tirocinium optime peractum professionem emisit « privatam », ob dubium servitio militari se liberandi. Ad rempublicam Chilenam translatus, ibi professionem religiosam formalem tandem 25 Dec. 1903 Deo obtulit. Tempore studentatus clarissima intelligentia ac vera pietate eluxit, accessitque ad sacerdotium 24 Maii 1907.

Cursum studiorum mense Augusto reliquit absolutum, vitam missionarii incipiens in variis Vice-Provinciae domibus. Ubique ob zelum apostolicum, praedicationem accuratam et vitam vere religiosam optimi missionarii palma decoratus est. A d. 20 Febr. 1920 ad mensem Decembrem onus honoratum Directoris iuvenatus, ad interim, explevit et postea honorem et onus Rectoris domus Los Angeles sustinuit. Rectoratus sui tempore, munus licentia sui Superioris Provincialis, Franciam petiit, familiares suos praesentia recreans et patriam, anno aetatis duodecimo relictam, variis itineribus saltem ex parte visitans atque cognoscens.

Ad alteram patriam reversus, et finito sui rectoratus tempore, per tres annos domui Valparaiso adscriptus est tanquam Consultor-Admonitor et missionarius et postea domui S. Iacobi tanquam Consultor et Minister ab a. 1927 ad 1933. Hoc ultimo anno Rector S. Iacobi a R.mo Patre nominatus, habitationes pretio locandas construxit, sic optime de hac domo meritus. A. 1936 domus Los Angeles eum iterum Rectorem recepit, quam domum novo theatro ad conventus catholicorum instituendos locupletavit. Post terrae motum anni 1938 partem anteriorem ecclesiae destructam refabricavit.

Mense Martio anni 1939 Patrem Simonin tanquam Vice-Provincialem a R.mo Patre renuntiatum domus S. Iacobi laetitia recipit summa. Hinc per novem annos indefesse laborat ad firmandum in Vice-Provincia spiritum religiosum ac regularem, necnon ad statum oeconomicum domorum a vacillationibus monetariis liberandum. A. 1944 tandem aliquando Vice-Provinciae domum novitatus propriam (eventus sane felix et tamdiu expe-titus) in loco Santa Filomena constituere potuit<sup>1</sup>. Ad hoc opus perficien-dum totum se per duos annos dedicavit. Fundum 62.500 metrorum quadr. ab admodum christianis et Congregationi addictissimis benefactoribus do-natum ordinavit et culturae adaptavit. Novam domum cum non evigua ecclesia construxit et kal. Febr. 1944, in prima postulantium vestitione, sollempniter inauguravit. In hoc maximo opere perficiendo, necessarios nummos sive ab amicis petendo sive personalibus laboribus apostolicis, etiam supra vires, comparando, quantopere sese sacrificaverit, Deus solus scit, et ipse est omnium actuum heroicorum liberalis remunerator.

Post annum 1944, nulla in gubernanda Vice-Provincia obligatione ne-glecta, duo obiecta praecipua impensissime prosequatur: novitatum et iuvenatum, pro quibus ad pecuniam necessariam comparandam et ad varias exortas difficultates eliminandas se vere supra proprias vires consumebat. Robustae suae valetudini confisus, amicas obiurgationes et prudentiae con-silia rejecit, usquedum, exhaustis omnino viribus, unius mensis spatio (a 10 febr. ad 11 Mart.) triplici ictu cardiaco tactus, tandem quinque minutis post mediam noctem, optime praeparatus, mortem clare praevisam forti-ter et sancte accipiens, SS. Cordi Iesu et dulcissimae Matri de Perpetuo Succursu animam tradidit.

Homo rectus, eximia intelligentia dotatus, spiritu administrationis haud communi ornatus, Redemptorista genuinus, maximum sui desiderium in Vice-Provincia de Santiago reliquit. R. I. P.

P. ALFONSO CHARLES